

CYDBWYLLGOR LLYWODRAETHU PARTNERIAETH PENSIWN CYMRU

Dydd Llun, 11 Mehefin 2018

YN BRESENNOL: Y Cyngorydd Mark Norris (Cyngor Bwrdeistref Sirol Rhondda Cynon Taf (Cadeirydd)

Y Cynghorwyr:

Y Cyngorydd Stephen Churchman - Cyngor Sir Gwynedd;
Y Cyngorydd David Hughes - Cyngor Sir y Fflint;
Y Cyngorydd Peter Lewis - Cyngor Sir Powys;
Y Cyngorydd Philip Downing - Dinas a Sir Abertawe;
Y Cyngorydd Chris Weaver - Dinas Caerdydd;
Y Cyngorydd Elwyn Williams - Cyngor Sir Caerfyrddin;

Yr oedd y swyddogion canlynol yn gwasanaethu yn y cyfarfod:

C. Moore, Cyfarwyddwr y Gwasanaethau Corfforaethol - Cyngor Sir Caerfyrddin
L.R. Jones, Pennaeth Gweinyddiaeth a'r Gyfraith - Cyngor Sir Caerfyrddin
D. Edwards - Cyfarwyddwr Cyllid - Cyngor Sir Gwynedd
J. Dong, Prif Swyddog Technegol a'r Trysorlys - Dinas a Sir Abertawe
C. Salter, Cyfarwyddwr Corfforaethol Adnoddau – Dinas Caerdydd
C. Lee, Cyfarwyddwr Gwasanaethau Corfforaethol a'r Rheng Flaen – Cyngor Bwrdeistref Sirol Rhondda Cynon Taf
P. Latham, Rheolwr y Gronfa Bensiwn – Cyngor Sir y Fflint
C. Hurst, Rheolwr y Gronfa Bensiwn – Cyngor Sir Powys
N. Aurelius, Prif Weithredwr Cynorthwyol (Adnoddau) - Cyngor Bwrdeistref Sirol Torfaen
A. Parnell, Rheolwr y Trysorlys a Buddsoddiadau Pensiwn - Cyngor Sir Caerfyrddin
K. Thomas, Swyddog Gwasanaethau Democrataidd - Cyngor Sir Caerfyrddin

Hefyd yn bresennol:-

Denise Jones – Pennaeth Rheoli Newid Link Fund Solutions;
James Wilson – Link Fund Solutions
Gareth Malna – Burgess Salmon
William Marshall – Hymans Robertson

Ystafell Bwyllgor 4, Neuadd y Sir, Glanfa'r Iwerydd, Caerdydd, CF10 4UW - 2.00 - 3.45 pm

1. YMDDIHEURIADAU AM ABSENOLDEB

Derbyniwyd ymddiheuriadau am absenoldeb gan y Cynghorwyr G. Caron (Cyngor Bwrdeistref Sirol Torfaen) a C. Lloyd (Dinas a Sir Abertawe)

2. PENODI CADEIRYDD Y CYD-BWYLLGOR LLYWODRAETHU AR GYFER Y FLWYDDYN GALENDAR NESAF.

PENDERFYNWYD YN UNFRYDOL i benodi'r Cyngorydd M. Norris yn Gadeirydd y Cyd-bwyllgor Llywodraethu ar gyfer y flwyddyn galendr nesaf.

Mynegodd y Cadeirydd, yr Aelodau a'r swyddogion eu gwerthfawrogiad i'r Cyngorydd Churchman am ei flwyddyn fel Cadeirydd.

3. PENODI IS-GADEIRYDD Y CYD-BWYLLGOR LLYWODRAETHU AR GYFER Y FLWYDDYN CALENDR NESAF.

PENDERFYNWYD YN UNFRYDOL i benodi'r Cynghorydd P. Lewis yn Is-gadeirydd y Cyd-bwyllgor Llywodraethu ar gyfer y flwyddyn galendr nesaf.

4. DATGANIADAU O FUDDIANT.

Y Cynghorydd

S. Churchman

D. Hughes

T. Lewis

P. Downing

M. Norris

E. Williams

C. Weaver

Datgan Buddiannau Personol

Aelod o Gronfa Bensiwn Gwynedd;

Aelod o Gronfa Bensiwn Clwyd;

Aelod o Gronfa Bensiwn Powys;

Aelod o Gronfa Bensiwn Dinas a Sir Abertawe;

Aelod o Gronfa Bensiwn Rhondda Cynon Taf;

Aelod o Gronfa Bensiwn Dyfed.

Aelod o Gronfa Bensiwn Caerdydd;

(Sylwer: Ceir eithriad yn y Côt Ymddygiad ar gyfer Aelodau, sy'n caniatáu i aelod a benodwyd neu a enwebwyd gan ei awdurdod i gorff perthnasol ddatgan y buddiant hwnnw ond aros a chymryd rhan yn y cyfarfod).

5. LLOFNODI YN COFNOD CYWIR COFNODION CYFARFOD Y CYD-BWYLLGOR A GYNHALIWDYD AR 28AIN MAWRTH, 2018.

PENDERFYNWYD YN UNFRYDOL lofnodi cofnodion cyfarfod y Pwyllgor oedd wedi ei gynnal ar 28 Mawrth 2018 gan eu bod yn gywir.

6. CYFLWYNIAD GAN LINK A'R AWDURDOD CYNNAL AR GERRIG MILLTIR A DIWEDDARIAD CYNNYDD.

Croesawyd Denise Jones sef Pennaeth Rheoli Newid Link Fund Solutions gan y Cadeirydd i'r cyfarfod a rhoddodd gyflwyniad ar y cerrig milltir allweddol a'r cynnydd o ran Partneriaeth Pensiwn Cymru.

Rhoddodd Ms Jones restr i'r Pwyllgor o'r dyddiadau dros dro ar gyfer y cerrig milltir allweddol, y cynnydd hyd yma a'r camau nesaf. O ran y cerrig milltir allweddol, roedd yr elfen bwysicaf yn ymwneud â chymeradwyo prosiectws y Gronfa er mwyn ei gyflwyno i'r Awdurdod Ymddygiad Ariannol. Cafodd y Prosiectws hwnnw ei osod ar agenda'r Cyd-bwyllgor y diwrnod hwnnw er mwyn ei ystyried, ac os byddai'n cael ei gymeradwyo, y bwriad oedd ei gyflwyno ar 15 Mehefin, 2018. Os caiff ei gymeradwyo gan yr Awdurdod Ymddygiad Ariannol, byddai'r is-gronfeydd yn cael eu lansio ar 15 Hydref, 2018

Dywedodd Ms Jones fod y cerrig milltir allweddol eraill yn cynnwys:-

- Cytundebau'r Rheolwyr Buddsoddi. Roeddent wedi cael eu cyflwyno i'r holl reolwyr buddsoddi ar gyfer y set gyntaf o is-gronfeydd a dechreuwyd ar y trafodaethau yn dilyn hyn.
- Byddai gweithgor swyddogion yn cael ei gynnal ar 27 Mehefin i drafod y pecyn adroddiadau arfaethedig er mwyn dechrau ar y gwaith o'i ddatblygu.
- Byddai ail ran yr is-gronfeydd yn cael ei hystyried gan y gweithgor swyddogion ar 27 Mehefin er mwyn ei chyflwyno i'r Awdurdod Ymddygiad Ariannol erbyn 27 Medi, a'i lansio yn Ionawr, 2019.

Cyfeiriwyd at y cytundebau pleidleisio arfaethedig a dywedwyd wrth y Pwyllgor er iddynt gael eu cyflwyno i'r swyddogion, byddent yn cael eu hystyried ymhellach yn ystod y Gweithgor Swyddogion ar 27 Mehefin.

Rhoddodd Mr Anthony Parnell y wybodaeth ddiweddaraf ganlynol i'r Pwyllgor o ran cyfrifoldebau'r awdurdod cynnal:-

- Staffio – roedd y swyddog S151 yn ystyried cefnogi'r prinder presennol o ran staffio yn yr awdurdod cynnal ac roedd gwaith yn cael ei ailddosbarthu lle bo'n bosibl.
- Cyfathrebu –roedd y gwaith o ran datblygu'r wefan a'r llythyr newyddion wedi cael ei oedi oherwydd y pwyslais a roddwyd ar baratoi prospectws y Gronfa. Byddai'r gwaith o ran hynny yn cael ei gyflawni dros yr haf.
- Llywodraethu – roedd y trefniadau yn gweithio'n dda ar hyn o bryd o ran y Cyd-bwyllgor a'r swyddogion.
- Adrodd – byddai pecynnau'n cael eu cyflwyno i'r gweithgor swyddogion ar 27 Mehefin gyda golwg ar sicrhau cysondeb yn yr adroddiadau â'r cronfeydd eraill. Roedd trafodaethau hefyd yn cael eu cynnal â'r grŵp adrodd CIPFA o ran ei ddisgwyliadau ynghylch darparu adroddiadau.

PENDERFYNWYD YN UNFRYDOL dderbyn y diweddariadau.

7. NODIADAU CYFARFODYDD Y GWEITHGOR SWYDDOGION A GYNHALIWYD AR Y DYDDIADAU CANLYNOL:-

8. 9FED MAWRTH, 2018;

PENDERFYNWYD YN UNFRYDOL dderbyn nodiadau'r Gweithgor Swyddogion a gynhaliwyd ar 9 Mawrth 2018.

9. 20FED EBRILL, 2018.

PENDERFYNWYD YN UNFRYDOL dderbyn nodiadau'r Gweithgor Swyddogion a gynhaliwyd ar 20 Ebrill 2018.

10. GORCHYMYN I'R CYHOEDD ADAEL Y CYFARFOD.

PENDERFYNWYD YN UNFRYDOL, yn unol â Deddf Llywodraeth Leol 1972, fel y'i diwygiwyd gan Orchymyn Llywodraeth Leol (Mynediad at Wybodaeth) (Amrywio) (Cymru) 2007, orchymyn i'r cyhoedd adael y cyfarfod tra oedd yr eitem ganlynol yn cael ei hystyried, gan fod yr adroddiad yn cynnwys gwybodaeth eithriedig fel y'i diffiniwyd ym Mharagraff 14 o Ran 4 o Atodlen 12A i'r Ddeddf.

11. PROSPECTWS YR AWDURDOD YMDYGIAD ARIANNOL PARTNERIAETH PENSIWN CYMRU.

Yn sgil gweithredu'r prawf budd y cyhoedd PENDERFYNWYD YN UNFRYDOL, yn unol â'r Ddeddf y cyfeiriwyd ati yng Nghofnod 10 uchod, ystyried y mater hwn yn breifat, gan orchymyn i'r cyhoedd adael y cyfarfod, gan y byddai datgelu'r wybodaeth yn yr adroddiad yn cynnwys manylion am y cyfleoedd buddsoddi a oedd eto i'w trafod yn llawn neu'u haildrafnod a byddai datgelu'r cyflwyniad yn tansellio'r trafodaethau hynny ac yn effeithio ar gostau ac enillion y Gronfa.

Derbyniodd y Pwyllgor gyflwyniad gan Mr James Wilson o Link Fund Solutions a roddodd drosolwg o'r prosiectws Partneriaeth Pensiwn Cymru i'w gyflwyno i'r Awdurdod Ymddygiad Ariannol ar gyfer yr Is-gronfeydd a fyddai'n cael eu gweithredu a'u rheoli gan Link Fund Solutions .

Rhoddwyd cyfle i aelodau'r Pwyllgor ofyn cwestiynau am y prosiectws, yn dilyn hyn gadawodd cynrychiolwyr Link Fund Solutions y cyfarfod er mwyn i'r Pwyllgor gael cyngor cyfreithiol gan Burges Salmon ynghylch y Prosiectws a'r Llythyr Ategol. Gwnaed sylwadau mewn perthynas â'r llythyr ategol, yn dilyn hyn derbyniwyd ei fod yn briodol.

Cafodd cynrychiolwyr Link Fund Solutions eu galw yn ôl i'r cyfarfod a rhoddwyd gwybod iddynt am y pryderon a'r sylwadau a fynegwyd ynghylch y llythyr ategol. Cadarnhaodd y cynrychiolwyr fod eu cynghorwyr cyfreithiol yn cytuno â chynnwys y llythyr ategol.

PENDERFYNWYD YN UNFRYDOL

- 11.1 Bod y prosiectws ar gyfer ei gyflwyno i'r Awdurdod Ymddygiad Ariannol yn cael ei gymeradwyo;**
- 11.2 Bod bob awdurdod gweinyddu yn llofnodi ac yn selio'r Llythyr Cytundeb Ategol dyddiedig 12 Mehefin 2018 ac yn ei ddychwelyd at yr awdurdod cynnal.**

CADEIRYDD

DYDDIAD